



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 7. 2019

Kotisashon – Pa esnan ku por Bende/Kumpra òf Tékniko; Kiko Esei Ke Mèn? Parti 1

De bes en kuando komo invershonista òf invershonista potensial nos ta tende di kotisashonnan riba e Bolsa di Balor lokal, e Dutch Caribbean Securities Exchange (DCSX). Nos sa, mas o ménos ku tin kotisashonnan lokal manera e Bononan di Building Depot, e Bononan di EoM i e Bononan di e Curaçao Heritage Fund. Pero nos ta tende tambe ku tin algun kotisashon for di eksterior, por ehèmpel tin bastante kotisashonnan di kompanianan basá na Asia. Mi ta kere ku bo promé pensamentu ta, di kon por dios kompanianan chines òf basá na Asia ta wòrdu kotisá riba nos bolsa lokal? Kiko ta pasando aki? Di kon nan ta bini aki? Kiko esei ta nifiká pa ami komo un invershonista òf invershonista potensial? Kiko esei ta nifiká pa e kompanianan aki?

Promé ku nos drenta den detaye di e kotisashonnan di eksterior aki, laga nos eksplorá kotisashon riba e DCSX en general. Kiko nos ke mèn ora nos ta papia di e kotisashonnan riba e DCSX? Pues, kiko nan ta realmente. Esakinan ta akshon òf bono òf algu diferente?

Kotisashonnan di DCSX ta konsistí di un kantidat di papelnan di balor ku a pasa dor di un evaluashon minusioso di e Bolsa, loke ta basá riba e Lei di e Bolsa di Balor di 1998, pa asina e papel di balor por wòrdu aprobá pa kotisashon riba e Bolsa i de bes en kuando pa e wòrdu hasí disponibel na invershonista pa bende i kumpra. E kotisashonnan aktualmente ta basá riba kapital propio manera akshon, riba debenan manera bono i otro tiponan manera mutual funds òf depository receipts. En general, kompanianan ku ta buska kotisashon riba bolsanan manera DCSX, ta tratando

di sea rekoudá un sierto nivel di fondo pa finansiá un proyekto òf pa mehorá e likides / potensial di benta di e papel di balor kotisá na benefisio di nan akshonistanan. Esaki ta loke mi lo referí na dje komo kotisashon “tradishonal òf regular” i loke mi ta kere bo ta mas familiar kuné; bende i kumpra ta normalmente frekvente pa e kotisashonnan aki.

Sin embargo, algun kompania, i primariamente esnan di eksterior ku nos a menshoná anteriormente, ta buska bolsanan internashonal manera Kòrsou, no primariamente pa likides, potensial di benta òf pa rekoudá fondo, pero pa nan kompania ku a wòrdu kotisá por benefisiá di e rekisitonan di compliance ku DCSX komo un bolsa ta ofresé òf pa benefisionan di efisiensia di impuesto den nan madre patria. E kotisashonnan aki ta wòrdu referí na dje komo “kotisashonnan tékniko” i nan tin rekisitonan spesial pa por wòrdu aprobá serka DCSX. Pues, akshon, bono òf mutual funds por sea buska e status di kotisashon normal pa hasimentu di negoshi òf un stáтус di kotisashon tékniko, i tur esaki ta dependé di e motibu prinsipal di nan solisitut pa kotisá. Por ehèmpel, si ta pa motibunan otro ku rekoudashon di kapital e kotisashon di akshon òf bono probablemente lo ta un solisitut pa un kotisashon tékniko; sin embargo, si bo ta tratando di rekoudá kapital / fondo òf pa hasimentu di negoshi frekvente e ora ei lo bo buska un status di kotisashon tradishonal òf regular.

Oké, pues tin kotisashonnan tékniko i kompanianan ke kotisá pa vários motibu. Di kon no ta kotisá den nan madre patria òf riba Bolsanan mas grandi i konosí? Ku e merkado i poblashon chikitu di Kòrsou, ta masha komprehensibel ku DCSX nunca lo por kompetí ku esnan manera NYSE òf NASDAQ òf hasta e Bolsa di Tokyo. Pues di kon DCSX? Haha! Ta pa e motibu ei, di kon DCSX ta un tan gran solushon pa kompanianan internashonal ku ta buskando kotisashonnan tékniko. Pa algun kompania, kotisashon riba NASDAQ por resultá demasiado kostoso pa hustifiká e sierto benefisionan ku nan ke logra òf alkansá na nan madre patria. Entre tal benefisionan atrobe por ta benefisionan puro di compliance. DCSX ta ofresé un solushon di bolsa pagabel pero fuerte pa loke ta trata regulashon pa kompanianan internashonal chikitu ku ta buskando un oportunitat pa eksperensia kiko ta enserá di ta kotisá promé ku nan eventualmente krese sufisientemente grandi pa por paga e sèn i rekursionan ku kotisashon riba bolsanan mas grandi manera NASDAQ ta eksigí.

Awor ku nos a identifiká e tiponan di kotisashon ku ta wòrdu ofresé dor di e DCSX i di kon nos bolsa lokal ta ofresé un proposishon di balor imperativo di un ambiente di regulashon eficiente pa kotisashon tékniko, parti 2 di e tópiko aki lo eksplorá e rekisitonan importante ku tur kotisashon – tantu tradishonal komo tékniko – mester presentá inisialmente pa na promé lugá wòrdu pèrmití pa wòrdu kotisá serka e DCSX i di mas importante, e rekisitonan nesario riba un base kontinuo pa sigurá kumplimentu ku e Reglanan di e Bolsa pa sigurá un estado di kotisashon kontinuo.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdu presentá na bo pa e DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

